

ՀԱՆՐԱՅԻՆ ՔՆՆԱՐԿՈՒՄ
15 նոյեմբեր 2023 թվական ք. Արթիկ

ԱՐՁԱՆԱԳՐՈՒԹՅՈՒՆ

<<ՌՊՏ>> ՍՊԸ-ի կողմից ներկայացված Շիրակի մարզի Արթիկի հրաբխային տուֆերի հանքավայրի <<Տուֆաձորի>> տեղամասում 6.76287 հա մակերեսով տարածքների 2023-2025 թվականներին կայանալիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային 1-ին քննարկման

Հանրային քննարկումը սկսվեց ժամը 14:00-ին:

Ներկա էին՝ Արթիկ համայնքի ղեկավարի տեղակալ Վ. Մակեյանը, Արթիկի համայնքապետարանի ոլորտային ներկայացուցիչներ, <<ՌՏՊ>> ՍՊԸ-ի տնօրեն՝ Տ. Պետրոսյանը, ինժեներ-երկրաբան Մանվել Հարությունյանը, Արթիկի համայնքապետարանի համապատասխան բաժինների աշխատակիցներ, կազմակերպությունների ներկայացուցիչներ, համայնքի բնակիչներ:

Հանրային քննարկումը վարում էր՝

Արթիկ համայնքի ղեկավար Ա. Ոսկանյանի կողմից լիազորված անձ՝ Արթիկ համայնքի ղեկավարի տեղակալ Վարդան Մակեյանը: Նա ողջունեց ներկաներին, ներկայացրեց հանրային քննարկման նպատակը. <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի /21.06.2014թ. ՀՕ-110-Ն/ համաձայն, ինչպես նաև ՀՀ կառավարության 19.11.2014թ. N1325-Ն որոշմամբ սահմանված կարգով 2023 թ. նոյեմբերի 15-ին Արթիկի համայնքապետարանի շենքում տեղի է ունենում <<ՌՊՏ>> ՍՊԸ-ի կողմից ներկայացված Շիրակի մարզի Արթիկի հրաբխային տուֆերի հանքավայրի Տուֆաձորի տեղամասում 08-111-0104-0097 կադաստրային ծածկագրով 6.76287 հա մակերեսով տարածքների 2023-2025 թվականներին կայանալիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումների 1-ին փուլը:

Նա խոսքի իրավունքը փոխանցեց ինժեներ-երկրաբան Մ. Հարությունյանին, ով հանգամանալից զեկուցեց ընկերության նպատակները, նախնական գնահատման հայտի էությունը: Նա ներկայացրեց, որ օրենքով սահմանված կարգով համայնքը կազմակերպել է հանրային քննարկումներ:

ՀՀ Շիրակի մարզի Արթիկի տուֆերի հանքավայրի <<Տուֆաձորի>> տեղամասում հետախուզական աշխատանքները նախատեսվում են իրականացնել՝ հաշվի առնելով ընդերքի և շրջակա միջավայրի պահպանության մասին ՀՀ օրենսդրության պահանջները: Այս տարածքում երբևէ նմանատիպ աշխատանքներ չեն իրականացվել, <<ՌՏՊ>>

ընկերությունն այդ աշխատանքները նախատեսում է իրականացնել առաջին անգամ: Նախնական գնահատման հայտի կազմման համար ընկերությունը կատարել է տեղանքի տոպոգրաֆիական հանույթ 1:1000 մասշտաբի, որպեսզի ճիշտ որոշեն տարածքի կոորդինատները: Երկրաբանահետախուզական աշխատանքների իրականացման աշխատանքային ծրագիրը կազմվել է «ՌՏՊ» ՍՊԸ-ի նախաձեռնությամբ և ֆինանսական միջոցների հաշվին, տուֆերի ուսումնասիրման և գնահատման նպատակով, որպես ուղղաձիգ հորատանցքերի հորատման միջոցով, կկատարվի հումքի նմուշառման աշխատանքներ, կուղարկվի լիցենզավորված լաբորատորիա, որտեղից էլ ընկերությունը կստանա նմուշի ֆիզիկոմեխանիկական հատկությունները, ինչպես նաև քիմիական և միներալոգիական ուսումնասիրություններ: Դրական արդյունքներ ունենալուց հետո ընկերությունը կկատարի հաշվետվություն՝ իր տեխնիկոտեսական հիմնավորումով և կներկայացվի ՏԵԿ նախարարության համապատասխան ստորաբաժանում, այստեղ փորձաքննությունից հետո կկատարվի պաշարների հաստատում:

Բացի հորատման և նմուշառման աշխատանքներից, ըստ օրենքի, 150 մ խորանարդ փորձնական բացահանքի հանույթ է նախատեսվում թարմ ապարներից, այս գործողության նպատակն է հասկանալ, թե այդ ծավալի հումքից տուֆ քանի հատքար որքան կստանա ընկերությունը: Այս փուլից հետո որոշվում է տվյալ լեռնային զանգվածից տուֆի հանքարի արդյունահանման ելքը: Բացի այս աշխատանքներից, նախատեսվում է նաև հիդրոերկրաբանական և ինժեներաերկրաբանական ուսումնասիրություններ. հիմնական նպատակն այն է՝ արդյոք տարածքում կան ստորգետնյա գրունտային ջրեր, որը կարևոր է նաև սողանքային փլուզումների կանխարգելման համար: Ըստ տրամաբանության, այս տեղամասում տուֆի հաստությունն այնքան էլ մեծ չէ և գրունտային ջրերին չի հասնելու, այնուամենայնիվ, այդ դիտարկումները արվելու են: Կատարվելու են նաև ռադիոմետրիական չափագրումներ ռադիոմետրիական չափիչ գործիքի օգնությամբ, որոշելու համար, թե տվյալ ապարն ինչ ճառագայթահիգիենիկ հատկություն ունի: Եթե հրաբխային տուֆերի մեջ լինի ռադիոճառագայթների բարձր պարունակություն, ապա ընկերության կողմից կփաստվի, որ տվյալ հումքաքարը պիտանի չէ շենքերի և շինությունների կառուցման համար:

Վերջնական հաշվետվության կազմման աշխատանքներից հետո այս ամենը հիմնավորվում է տեխնիկատնտեսական հիմնավորումներով: Հաշվի են առնվում նաև սահմանված կարգով պետության բյուջե մուծվելիք գումարները, այս ամենից հետո էլ հաշվվում է ընկերության շահույթները:

Երկրաբանահետախուզական աշխատանքների ընթացքում մեծ ուշադրություն է դարձվում շրջակա միջավայրի վրա ազդեցության կանխարգելիչ բնապահպանական միջոցառումներին: Երկրաբան-ինժեները ներկայացրեց, որ ամենամեծ ազդեցությունը շրջակա միջավայրի վրա տուֆ քարի արդյունահանման ընթացքում՝ փոշու արտանետումներն են, որը կարելի է կանխարգելել ջրցան մեքենայի օգնությամբ՝ օրական մի քանի անգամ այդ միջոցառումը կազմակերպելով: Ընկերությունը կկազմակերպի օրենքով նախատեսված բոլոր միջոցառումները և բարեխիղճ մոտեցում կդրսևորի ընդերքի և շրջակա միջավայրի նկատմամբ, որպեսզի ունենա ճիշտ և արդյունավետ շահագործում: Նա ասաց, որ ակնկալվում է տուֆի հումքից 40% տուֆի արդյունահանում, իսկ մնացյալ 60% լեռնային զանգված է, որը հաշվարկվելու է որպես ավազի և շիբինի հումք, որով կլուծվի թափոնների օգտագործման խնդիրը:

Նա անդրադարձավ նաև ռեկուլտիվացիոն աշխատանքներին՝ ներկայացնելով օրենսդրական կարգավորումները, կառավարության և համայնքի աջալուրջ մոտեցումները ռեկուլտիվացիոն աշխատանքներին: Նա ասաց, որ համայնքի դերն այս հարցում մեծ է, ընդհուպ մինչև լիցենզիայի կասեցման կարող է հասնել համայնքը՝ լիազոր մարմնին հիմնավորաձ ներկայացնելով անբարեխիղճ շահագործողների կոպիտ բացթողումներն ու թերությունները: Իսկ ռեկուլտիվացիոն գումարները կհաշվարկվեն մինչև ՇՄԱԳ հաշվետվության ներկայացնելը:

Մ. Հարությունյանը նաև խոսեց համայնքի սոցիալ-տնտեսական զարգացմանն ուղղված ընկերության պարտավորությունների մասին: Տնտեսվարող-համայնք հարաբերությունը պետք է համահունչ լինեն:

Հնչեցին հարցեր

1. Համայնքի բնակիչ Տ. Չարչյանը հարցրեց, որ եթե տուֆերի հանքավայրի շահագործման ընթացքում ակներև են շրջակա միջավայրի վրա ազդեցության բացասական կողմերը, ապա ինչ բնապահպանական ռիսկեր կան երկրաբանահետախուզական աշխատանքներ ընթացքում:

Ինժեներ-երկրաբանն ասաց, որ հետախուզումը կատարվելու է հորատանցքերի հորատման միջոցով՝ ամենաշատը 127 մ դիամետրով, այս ընթացքում բացասական հետևանքներ շրջակա միջավայրի վրա չեն կարող լինել, չեն օգտագործվելու ռեագենտներ, 150 մ խորանարդ փորձնական բացահանքի ժամանակ աշխատելու է քարհատ մեքենա, որից աննշան, չնչին քանակությամբ փոշու արտանետումներ են լինելու:

2. Համայնքի բնակիչ Տ. Չարչյանը հարցրեց, բուսածածկ է արդյոք տարածքը, առկա են սևահողեր, թե լերկ տարածք է:
Ընկերության ներկայացուցիչը պատասխանեց, որ հանքատարածքը զուրկ է հողաբուսածածկից, այն ամբողջությամբ քար է:

3. Նիստը վարող Վ. Մակեյանն ասաց, որ վերոնշյալ տարածքի նպատակային նշանակությունն այս պահին արոտավայր է, պաշարների հաստատումից և լիցենզիա ստանալուց հետո հողի նպատակային նշանակությունը կփոխվի:

4. Նա հարցրեց, թե ինչքան ժամանակ կտևի մինչ լիցենզիա ստանալը:
<<ՌՏՊ>> ընկերության ներկայացուցիչը պատասխանեց, որ մոտ 3 տարի է պետք այս գործընթացներն ավարտելու համար: Երկրաբանահետախուզական աշխատանքները կտևեն մոտ 2 տարի, իսկ լիցենզիայի գործընթացը՝ մոտ մեկ տարի:

Քանի որ այլ հարցեր չհնչեցին, նիստը վարող Վ. Մակեյանը շնորհակալություն հայտնեց ներկաներին և փակեց նիստը:

Հանրային քննարկումն ավարտվեց 14:24-ին:

Հանրային քննարկումը վարեց՝

Արթիկ համայնքի ղեկավարի կողմից լիազորված անձ

Արթիկ համայնքի ղեկավարի տեղակալ

Գ. Մակեյան

Արձանագրեց՝

Արթիկ համայնքի ղեկավարի օգնական՝

Ս. Չարչյան

<<ՌՏՊ >> ՍՊԸ-ի տնօրեն՝

Ս. Պետրոսյան

Կից ներկայացվում է հանրային քննարկման տեսանկյունագրությունը:

Հանրային քննարկումների մասնակիցների ցանկը կցվում է արձանագրությանը:

<<ՌՊՏ>> ՄՊԸ-ի կողմից ներկայացված, Շիրակի մարզի Արթիկի հրաբխային տուժերի հանքավայրի Տուֆածորի տեղամասում 08-111-0104-0097 կարաստրային ծածկագրով 6.76287 հա մակերեսով տարածքների 2023-2025 թվականների կայանավիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումների/1-ին փուլ/ մասնակիցների

ՑՈՒՑԱԿ

15.11.2023 թ. ժամը 14:00-ին

Արթիկի համայնքապետարան

</>	Ֆիզիկական/իրավաբանական անձի անուն ազգանունը	Հեռախոսահամարը	Զբաղվածությունը	Ստորագրությունը
1	Ասրաբյան Խաչատուր Ն.	093-18-88-10	Չ. Արթիկ	
2	Սևիդյան Գրիգորյան	098-044-037	Չ. Արթիկ	
3	Էրևանցի Բաբրեյանի	094-96.24.72	Չ. Արթիկ	
4	Եսայան Դավթյան	077 620 635	Չ. Արթիկ	
5	Փարիկ Պարսեպուր	094 6065 60	Չ. Արթիկ	
6	Չիգորյան Գրիգորյան	098-820-970	Չ. Արթիկ	
7	Շարադյան Գրիգորյան	093-844-222	Չ. Արթիկ	
8	Սարգսյան Գրիգորյան	094-90-95-85	Չ. Արթիկ	
9	Ֆրանկյան Զարուհի	098-19-39-89	Չ. Արթիկ	
10	Սարգսյան Գրիգորյան	077 553157	Չ. Արթիկ	
11	Եսայան Գրիգորյան	077 462680	Չ. Արթիկ	
12	Կարապետյան Գրիգորյան	095 213212	Չ. Արթիկ	
13	Սարգսյան Գրիգորյան	098148402	Չ. Արթիկ	
14	Սարգսյան Գրիգորյան	077-716-713	Չ. Արթիկ	
15	Սարգսյան Գրիգորյան	093-35-36-38	Չ. Արթիկ	
16	Սարգսյան Գրիգորյան	077 852027	Չ. Արթիկ	
17				
18				
19				
20				
21				

05553661
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԱՐԹԻԿԻ
ՀԱՄԱՅՆՔԱՊԵՏԱՐԱՆ
РЕСПУБЛИКА АРМЕНИЯ
ШИРАКСКИЙ МАРЗ
МУНИЦИПАЛИТЕТ г.АРТИКА
REPUBLIC OF ARMENIA
MARZ OF SHIRAK
MUNICIPALITY OF ARTIK

ՏԵՂԵԿԱՆՔ

N 776
«20» 11 2023 թ.վ.վ.

Հայաստանի Հանրապետության Շիրակի մարզի Արթիկ համայնքում
15 նոյեմբերի 2023 թվականին կայացած հանրային լսումների

Ք. Արթիկ

20 նոյեմբերի 2023 թվական

Հիմք ընդունելով Արթիկ համայնքում 2023 թվականի նոյեմբերի 15-ին, ժամը 14:00-ին, Հայաստանի Հանրապետության Շիրակի մարզի Արթիկի համայնքապետարանի շենքում (Հայաստանի Հանրապետություն, Շիրակի մարզ, Արթիկ համայնք, Ազատության հր. 1) «ՌՊՏ» ՍՊԸ-ի կողմից ներկայացված Շիրակի մարզի Արթիկի հրաբխային տուֆերի հանքավայրի «Տուֆածորի» տեղամասում 6.76287 հա մակերեսով տարածքների 2023-2025 թվականներին կայանալիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումների 1-ին փուլի արդյունքները, համայնքը տալիս է իր նախնական համաձայնությունը «ՌՏՊ» ՍՊԸ-ին՝ Հայաստանի Հանրապետության օրենսդրությամբ սահմանված կարգով համայնքի վարչական սահմաններում իրականացնելու երկրաբանահետախուզական աշխատանքներ:

Տրվում է ներկայացնել պահանջվող վայր:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ
ԱՐԹԻԿ ՀԱՄԱՅՆՔԻ ՂԵՎԱԿԱՆ



[Handwritten signature]

Ա. ՈՍԿԱՆՅԱՆ